

BOSNIA AND HERZEGOVINA
FEDERATION OF BOSNIA AND HERZEGOVINA
**MINISTRY OF TRANSPORT AND COMMUNICATIONS OF
THE FEDERATION OF BOSNIA AND HERZEGOVINA**

Broj: 07-02-2-1051/24
Mostar, 15.11.2024. godine

- **PREDSTAVNIČKI/ZASTUPNIČKI DOM PARLAMENTA FEDERACIJE BIH**
n/r Amir Ibrović, zastupnik
- **PREDSTAVNIČKI/ZASTUPNIČKI DOM PARLAMENTA FEDERACIJE BIH**
n /r Ivan Miličević, sekretar
- **VLADA FEDERACIJE BIH**
n /r Edita Kalajdžić, sekretar

PREDMET: Zastupničko pitanje

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:	28-11-2024		
Org. jed.	Broj	Priloga	Vrijednost
05/1	-02-	232	/24

Poštovani,

U skladu sa zastupničkim pitanjem koje je postavio Amir Ibrović, zastupnik u Zastupničkom domu Parlamenta Federacije Bosne i Hercegovine, a odnosi se na uspostavu Cell Broadcast sistema za upozorenje korisnika na moguće prirodne nepogode i druge vanredne situacije, informišemo Vas da je Federalno ministarstvo prometa i komunikacija već analiziralo potrebne aktivnosti za implementaciju sistema, te je sa te tačke veoma bitno sagledati nadležnost za koordinaciju i upravljanje ovim sistemom uzbunjivanja i dogovoriti konkretan način razmjene informacija i preporuka koje bi se slale korisnicima.

Zaključkom, Zastupnički dom Parlamenta Federacije BiH obavezao je Premijera i Vladu Federacije BiH da s telekom operatorima, BH Telecom d.d. Sarajevo i Hrvatske telekomunikacije d.d. Mostar pokrene postupak aktivacije Cell Broadcast sistema, sistema za prijenos, slanje signala, poruka za uzbunjivanje u slučaju prirodnih katastrofa svim mobilnim uređajima na određenom, izabranom području.

S tim u vezi, Federalno ministarstvo prometa i komunikacija je obavijestilo BH Telecom d.d. Sarajevo i JP Hrvatske telekomunikacije d.d. Mostar, da je rok za realizaciju Zaključka tri mjeseca, te da u skladu sa raspoloživim resursima predlože način uspostave ovog sistem.

Telekom operatori su dostavili odgovore u kojima naglašavaju da je za uspostavljanje sistemskog rješenja i aktivacije Cell Broadcast usluge potrebno minimalno četiri mjeseca nakon usaglašavanja konačnog tehničkog rješenja, te sama implementacija usluge zavisi od uslova za integraciju s Državnim/centralnim

Operativnim Centrom koji je ovlašten za slanje poruke o uzbunjivanju preko telekom operatora. Što se tiče tehničkog rješenja, neophodno je obezbjediti finansijska sredstva za resurse i licence na strani radio mreže i jezgre mreže, te implementacija potpuno novih mrežnih elemenata CBS (Cell Broadcast Centar) i CBE (Cell Broadcast Entity), te integraciju u postojeću mrežu telekom operatora.

Na ovaj način tehničko rješenje podrazumijeva da se CBE nalazi po kontrolom nadležnih vladinih institucija ovlaštenih za uzbunjivanje, a CBS bi bio novi mrežni element na strani telekoma. Osim ovog, sistem je potrebno organizaciono pozicionirati sa nadležnim vladinim organima koji će njime upravljati na strani Vlade, ali i novim sistemom na strani telekom operatora.

Dakle naredni korak jeste organizovanje radnog sastanka predstavnika Vlade Federacije BiH i telekom operatora u cilju definisanja konkretnih aktivnosti sa obje strane u pravcu implementacije sistemskog rješenja uspostave Cell Broadcast usluge.

S poštovanjem,

Dostaviti :

- Naslov
- Evidencija
- Arhiva

